

Incumbensa Michael (Castasegna) concernent la finanziaziun e la realisaziun da projects gronds en la construcziun da vias

Cun ses 7105 kilometers quadrat è il Grischun il chantun il pli grond da la Svizra. El è marcà da muntognas e da vals alpinas sco er d'ina structura d'abitadis decentrala.

La Regenza è conscienta da questas particularitads e fa ina politica respectiva che tegna quint da las circumstanzas regionalas e localas.

D'ina impurtanza centrala per mantegnair e per far funcziunar ils abitadis decentrali èn colliaziuns stradalas segiras e garantidas. Ellas èn da fitg gronda impurtanza tant per la coesiun dal chantun sco er per ses funcziunament economic e democratic.

Segirar las vias da traffic garantidas è perquai ina incumbensa centrala dal chantun. Per questa incumbensa èn responsabels en emprima lingia la Regenza ed il parlament.

Igl ha dà ed i dat intginas difficultads cun realisar ils projects da vias planisads en noss chantun. Questas difficultads èn d'attribuir a la mancanza da persunal, a protestas ed a recurs, als meds finanzials limitads ed ad auters facturs. Quai ha chaschunà, ch'ils preventivs annuals disponibels na vegnan betg exaurids e ch'igl exista il privel, che l'infrastructura necessaria na possia betg vegnir renovada.

Vitiers vegnan las consequenzas da la midada dal clima cun l'augment d'ina concentrasiun d'eveniments da l'aura ed uschia er cun l'augment da privels da la natira, sco en spezial inundaziuns, crudadas da crappa, boas, sbuvaditschs e lavinas.

En vista a las explicaziuns qua survart èsi ussa necessari d'agir en moda proactiva per tschertgar soluziuns sco er d'adattar la pratica da nossa Regenza per organisar, finanziair e realisar projects gronds.

Las sutsegnadras ed ils sutsegnaders incumbenseschan la Regenza sco suonda:

1. I sto vegnir dada l'attenziun maximala a l'accessibladad segira e garantida dals abitadis en las differentas regions da l'entir chantun.
2. I ston vegnir examinadas ed adattadas las metodos e las strategias concernent (1) il mantegniment da la rait da vias, (2) il svilup da projects da vias sco er (3) la realisaziun speditiva da tals projects, quai per evitar in pegiurament da l'infrastructura ed il privel ch'i resultian stagnaziuns d'investiziun.
3. Nus pretendain da midar la pratica actuala che la Regenza ha introducì e che na permetta betg da realisar a medem temp e parallelamain sviaments e projects gronds. Sch'i vegnan realisads parallelamain plirs projects gronds, ston ins empruvar da cuntanscher dapli flexibilitad per tscherner e per realisar ils projects, particularmain sche quests ultims èn urgents e motivads tras situaziuns d'urgenza.
4. Metodos da finanziaziun pli flexiblas e pli rigurusas per realisar sviaments e projects gronds ston vegnir evaluadas e vegnir suttamessas al parlament. Quai duai vegnir fatg en concordanza cun la situaziun finanziaria dal chantun.

Cuira, ils 23 d'avrigl 2024

Michael (Castasegna), Berweger, Altmann, Adank, Atanes, Beeli, Bergamin, Berthod, Binkert, Brunold, Bundi, Butzerin, Caluori (Panaduz), Candrian, Casutt, Caviezel, Collenberg, Cortesi, Davaz, Degiacomi, Della Cà, Derungs (Domat), Derungs (Lumbrein), Epp, Furger, Gansner, Hartmann (Schiers), Hartmann (Pragg-Jenaz), Hohl, Jochum, Kasper, Kocher, Kohler, Krättli, Kuoni, Lehner, Loepfe, Loi, Lunghi, Luzio, Maissen, Menghini-Inauen, Messmer-Blumer, Metzger, Meuli, Michael (Donat), Mittner, Morf, Natter, Nicolay, Peter, Pfäffli, Preisig, Righetti, Rüegg, Saratz Cazin, Sax, Schneider, Schutz, Sgier, Spagnolatti, Stiffler, Stocker, Tanner, Thür-Suter, Ulber, von Ballmoos, von Tschärner, Wieland, Zanetti (Sent), Zanetti (Landquart)